

Dé ioù qu'i vén lo non Vatican ?

Én ten lo Vatican y éve lo non d'én cretsón dé Romma, qu'i ché élévive a dréte dou *Tevere*, in fase ou Tsan dé Mars é a dréte dou *Gianicolo*.

A l'énvión y éve euna cara malsanna é umidda ioù qu'i ave dé vaco qu'i alivan bièn maque pé lardzé.

Apré tchécca dé ten, Agrippina y a commensé a fare dé bé courti i pi dou cretsón, ioù l'ampéreur Néròn y a poue fé construire én piquieu sirco privó. Lé dedeun i son itó tcho lé premé martir crétièn (entre sise y ave co l'apotro Pierre qu'i y é fénque interró lé).

Dé adón, si col y é végnì én semétério, tan pé lé payèn qué pé lé crétièn, tanque can l'ampéreur Costantén, dou 326 ou 333 apré Jézù Cri, y a fé apian-à lo sondzón dou cretsón é y a fé fare la premére bazeleuca dedià a sen Pierre.

Y é maque a partì dou 1870 qué lo Vatican y é végnà la rézidanse dou Sen Père : ou Mouayèn Adzo itive dedeun lo palè dé Latéràn, é apré éncò y et aló ità dedeun d'otre émportàn palè dé Roma, comme lo *Quirinale*, qué ou dzor dé vouèi y é la rézidanse dou prézidàn dé la repebleuca italiéna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.focus.it, juin 2002

Texte inédit

Collaborateur de Chamois pour la traduction : René Rigollet

La transcription a été soignée par le Guichet Linguistique

Mise à jour de la graphie : octobre 2013